

Celebracion y reconocimiento di 25 aña di Bon Bini Festival



ORANJESTAD - Diadomingo ultimo, dia 28 di november 2010, tabatin un celebracion y un anochi di reconocimiento di 25 aña di Bon Bini Festival. Esaki a tuma luga na Holiday Inn Hotel, den un Las Palmas Ballroom completamente transforma den un ambiente hopi festivo y cultural. Gobierno di Aruba, a traves di Departamento di Cultura Aruba, a organisa un actividad special pa rindi homenahe na e pioneronan di Bon Bini Festival, manera Leo Tromp, John Merryweather, Jenny Kock, Juby Naar, Mabelynne Arends, Martha Figaroa y tur e otro, cu a forma parti desde cuminsamento di e actividad cultural di mas grandi dedica na nos folklore cultural. Tambe pa reconoce y gradici un cantidad di musico, solista, grupo di baile, grupo tipico, tocado di cah'i orgel, steel band, colaborado, artesano y maestro di

ceremonia cu a topa pa celebra e 25 añanan di esfuerso y participacion, dedica na nos cultura y tradicion, refleha den un proyecto cu a cosecha exito y fruta importante, tanto den nos mercado nacional como internacional. Bon Bini Festival cu hopi orguyo a bisti di gala cu e celebracion di su di 5 lustro.

Despues di palabra di bon bini di e Maestro di Ceremonia, Randy Maduro, a sigui cu un historia cortico con a yega te awe cu ta celebra 25 aña di Bon Bini Festival. E anochi fenomenal a cuminsa cu un apertura titula: "Orguyoso di ta bo yiu", presenta pa Levi Thodé, como homenahe na tur yiu di tera. Despues a sigui cu e programa oficial, na unda Coordinador General di Bon Bini Festival, Sr. Ramiro Krosendijk, a sorpresa tur hende cu su valioso palabranan den cual el a duna un bista amplio di

tur loke el a biba durante su añanan como coordinador. El a enfoca riba e importancia di Bon Bini Festival y a pidi un atencion y esfuerso special pa sigui mantene y duna sosten pa esaki por sigui desaroya, crece y bira grandi.

Despues di e palabranan emocionante di Sr. Ramiro Krosendijk, Sr. Angelo Tromp representante di e Management Team di Departamento di Cultura, a felicita un y tur cu a forma parti di e logro aki y a elabora riba e futuro y continuacion di Bon Bini Festival pa su balor y contribucion na cultura como un di e joyanan cu ta briya cu su luz propio y cu ta papia pa su mes. Como parti di e programa oficial Zahira Zaandam, miembro di e Management Team di DCA, tambe a hiba palabra den nomber di Su Excelencia Minister di Cultura, Sra. Michelle Hooyboer-Winklaar, cu a destaca e ocasion importante aki como uno historico, na unda el a elogia y ubica Bon Bini Festival como un luga hopi importante den nos comunidad. No solamente pasobra e ta e unico show folklorico cu nos tin na Aruba cu base permanente, pero pasobra e ta diferente, informal y hopi bishita. Tambe a menciona cu Bon Bini Festival ta un instrumento pa siña e

Arubianonan nobo conoce nos folklore, nos musica, nos cuminda y tur loke ta di nos. Despues di 25 aña a yega un punto na unda mester reevalua y sinta pensa con nos por presenta nos mes na un manera diferente, teniendo na cuenta cu den Bon Bini Festival mester keda refleha e parti rico di nos folklore y e ambiente cultural. Aki ta caminda tur hende por siña entre otro kico ta nos wals, mazurka, scucha un tiki di nos historia y pa nos bishitantenan tin un anochi placentero como un introduccion chikito di nos cultura.

A termina e carta di Minister di Cultura cu palabranan di felicitacion na un y tur cu a contribui desde cuminsamento y esunnan cu te ainda ta sigui contribui cu Bon Bini Festival.

Tambe cu e deseo pa e festival aki sigui existi pa hopi aña mas, ofreciendo su mes pa dune tur maximo cooperacion y sosten.

Como culminacion di e parti oficial di e programa a duna reconocimiento na tur e

special di parti di Departamento di Cultura pa su dedicacion y contribucion cultural.

Pa clausura e anochi bunita, festivo y historico di reconocimiento, tur presente por a gosa y tabata tin e placer di disfruta cu e acompañamento musical di agrupacion BADU cu a pone drama cu nan ambiente, ritmo unico y profesionalismo.

Den nomber di Departamento di Cultura Aruba, nos ta felicita tur cu a contribui pa e logro grandi aki y ta pidi esunnan cu pa un of otro motibo no por tabata presente pa ricibi nan reconocimiento, pa tuma contacto cu Sra. Marlene Lampe of Sr. Ramiro Krosendijk na Departamento di Cultura of pasa libremente durante ora di oficina.

Departamento di Cultura alabes ta haci uzo di e oportunidad pa desea henter pueblo di Aruba un dushi temporada di Pasco y Aña Nobo yena cu hopi dicha, amor, salud, paz, union familiar y prosperidad.

personanan cu tabata forma parti di Bon Bini Festival y cu durante e anochi aki tabata protagonista y invitado di honor, na unda cu hopi orguyo nan a ricibi nan certificado di aprecio y un recuerdo diseña y elabora pa Sr. Frank Croes y Sra. Trudy Lampe. Tambe Sr. Padu Lampe, cu tabata presente durante e anochi, a ricibi un reconocimiento

